



Reykjavíkurborg

Borgarstjórnin í Reykjavík

Reykjavík, 9. apríl 2019

R19030147

21351

Borgarráð

Samninganefnd Reykjavíkurborgar vegna viðræðna við ríkið um uppbyggingu hjúkrunarrýma í Reykjavík

Hjálögð drög að erindisbréfi samninganefndar Reykjavíkurborgar vegna viðræðna við ríkið um uppbyggingu hjúkrunarrýma í Reykjavík eru lögð fram til kynningar. Hlutverk samninganefndarinnar er að sinna viðræðum við ríkið um uppbyggingu hjúkrunarrýma í Reykjavík. Með bréfi dags. 11 mars sl. óskaði heilbrigðisráðherra eftir viðræðum við Reykjavíkurborg um fjölgun hjúkrunarrýma í Reykjavík um allt að 200 hjúkrunarrými á næstu fimm árum. Þessu ber að fagna. Í meðfylgjandi erindisbréfi er gert er ráð fyrir að skipa samninganefnd til að takast á við þetta verkefni og markmiðið er að ljúka þessum þætti hið fyrsta til að hægt sé að hefja undirbúning að byggingu 200 nýrra hjúkrunarrýma. Jafnframt fái samninganefndin umboð til að ræða um næstu áfanga í uppbyggingu hjúkrunarrýma í Reykjavík eða allt til ársins 2030. Fyrstu 200 rýmin verði þó í fyrsta forgangi en framtíðarsýn og frekari áform komi í kjölfarið.

Dagur B. Eggertsson

Hjálagt:

Drög að erindisbréfi samninganefndar Reykjavíkurborgar vegna viðræðna við ríkið um uppbyggingu hjúkrunarrýma.

Bréf heilbrigðisráðherra dags 11. mars 2019 vegna uppbyggingar hjúkrunarrýma í Reykjavík.

14 mars 2019

Bréfalykill 21351



Reykjavíkurborg
Dagur B. Eggertsson, borgarstjóri
Ráðhúsi Reykjavíkur
101 Reykjavík

HEILBRIGÐISRÁÐUNEYTIÐ

Skógarhlíð 6 105 Reykjavík
sími: 545 8700 hrn@hrn.is
stjornarradid.is

Reykjavík 11. mars 2019

Tilv.: HRN19011273/04.50

Efni: Uppbygging hjúkrunarrýma í Reykjavík

Með vísun til yfirstandandi framkvæmdaáætlunar um uppbyggingu hjúkrunarheimila á landinu, hefur sérstök áhersla verið lögð á höfðuborgarsvæðið enda er mesta þörfin fyrir fjölgun hjúkrunarrýma þar.

Framkvæmdir við hjúkrunarheimilið við Sléttuveg í Reykjavík eru vel á veg komnar, nýtt hjúkrunarheimili var vígt á Seltjarnarnesi í febrúar og í Hafnarfirði verður opnað nýtt hjúkrunarheimili í vor auk þess sem áætlun er um að fjölga þar enn rýmum á næstu misserum. Í Kópavogi eru framkvæmdir að fara aftur af stað eftir tafir og í Mosfellsbæ hefur verið ákveðið að byggja við núverandi hjúkrunarheimili.

Mikil þörf er á frekari fjölgun hjúkrunarrýma og því óskar heilbrigðisráðuneytið hér með eftir viðræðum við Reykjavíkurborg hið fyrsta, um uppbyggingu allt að 200 hjúkrunarrýma í borginni á næstu fimm árum.

Fyrir hönd heilbrigðisráðherra


Guðlín Steinsdóttir


Sveinn Bragason

ERINDISBRÉF

Samninganefnd Reykjavíkurborgar vegna viðræðna við ríkið um uppbyggingu hjúkrunarheimila

Ábyrgðarmaður:

Borgarstjórinn í Reykjavík.

Inngangur:

Mikill þörf er á uppbyggingu hjúkrunarheimila í Reykjavík og um nokkurt skeið hafa verið í gangi viðræður við fulltrúa heilbrigðisráðuneytis og fjármálaráðuneytis um mögulegar staðsetningar fyrir næstu hjúkrunarheimili í Reykjavík. Nýtt hjúkrunarheimili við Sléttuveg með 99 rýmum verður opnað um næstu áramót. Með erindisbréfi þessu er verið að formgera viðræður við ríkið um uppbyggingu á næstu hjúkrunarheimilum.

Hlutverk:

Hlutverk samninganefndarinnar er að sinna viðræðum við ríkið um uppbyggingu á allt að 200 hjúkrunarrýmum í borginni á næstu fimm árum sem og mögulegum staðsetningum fyrir hjúkrunarheimili í Reykjavík til ársins 2030. Í viðræðunum verði markmiðið að leita staðsetningar sem verði heppileg fyrir slíka starfsemi með tilliti til þróun byggðar.

Kemur þá helst til greina:

Fyrirliggjandi möguleikar: Borgarspítalareitur, Móavegur, Sóltún og Skógarbær

- Borgarspítalareitur, en þar er möguleiki á að byggja 100-200 rýma hjúkrunarheimili. Þar heldur ríkið á lóðarréttindum.
- Við Mosaveg, en þar er möguleiki á að byggja 100 rýma hjúkrunarheimili. Um er að ræða svæði sem var hugsað fyrir íþróttahús Borgarholtsskóla en með tilkomu Egilshallar er sú þörf ekki lengur til staðar. Land er í eigu Reykjavíkurborgar.
- Við Sóltún 4-6 hafa lóðarhafar gert ráð fyrir 107 rýma hjúkrunarheimili en lóð er í eigu einkaaðila og þarf að kaupa þá lóð. Kostnaður væri töluverður fyrir Reykjavíkurborg ef þau kaup væru án aðkomu ríkisins.
- Stækkun Skógarbæjar um 15 ný hjúkrunarrými og breyta öðrum rýmum með niðurlagningu tvíbýla. Semja þarf um þessar breytingar við ríkið en húsnæðið er í eigu sjálfseignarstofnunar.

Framtíðarstaðsetningar: Ártúnshöfði og Keldur

- Ártúnshöfða, en unnið er að skipulagi á 1. áfanga á því svæði og mögulegt er að gera ráð fyrir lóð fyrir hjúkrunarheimili á því landi sem er í eigu Reykjavíkurborgar.
- Viðræður eru að hefjast við ríkið um Keldnaland og möguleiki væri að gera ráð fyrir hjúkrunarheimili í skipulagi á þessu svæði.

Með þessum möguleikum væri hægt að koma fyrir 6-700 nýjum hjúkrunarrýmum á næstu 11 árum.

Samninganefndina skipa:

Birgir Björn Sigurjónsson fjármálastjóri.

Berglind Magnúsdóttir skrifstofustjóri.

Óli Jón Hertervig skrifstofustjóri.

Fulltrúar umhverfis- og skipulagssviðs skv. þörfum.

Til ráðgjafar og samstarfs:

Samninganefnd leiti ráðgjafar innan og utan borgarkerfis hjá aðilum með sérþekkingu á

viðfangsefninu.

Starfstímabil:

Samninganefnd starfi þar til skilgreindum verkefnum þess er lokið eða það leyst frá störfum af ábyrgðarmanni.

Reykjavík, [Dags.]

Dagur B. Eggertsson

DRÖG